

JABATAN KORPORAT DAN PERHUBUNGAN
ANTARABANGSA

TARIKH:08.12.2021 MASA:17.30

MUKTAMAD



MAJLIS BANDARAYA SEBERANG PERAI

TEKS UCAPAN

YBHG. DATO' Sr HAJI ROZALI BIN HAJI MOHAMUD
DATUK BANDAR SEBERANG PERAI

SEMPENA

MAJLIS PENYAMPAIAN HADIAH ANUGERAH *CIRCULAR
ECONOMY COMMUNITY 2021*

TARIKH / MASA / TEMPAT

**09 DISEMBER 2021 (KHAMIS)
8.30 PAGI**

**DEWAN KENANGA, MENARA BANDARAYA
MAJLIS BANDARAYA SEBERANG PERAI
BANDAR PERDA**

Terima kasih Saudara / Saudari Pengacara Majlis

Yang Dihormati WHIP Parti

Encik David Marshel a/l Pakianathan

Encik Ahmad Rizal bin Abd Hamid

Encik Muhamad Suzuki bin Ahmad

Yang Dihormati Ahli-Ahli Majlis

Majlis Bandaraya Seberang Perai

Yang Berusaha Tuan Haji Baderul Amin bin Abdul Hamid

Pemangku Setiausaha Bandaraya

Majlis Bandaraya Seberang Perai

Ketua-Ketua Jabatan dan Pegawai-Pegawai Kanan

Majlis Bandaraya Seberang Perai

Encik Lim Yu Chin

Managing Director

ESH Resources Management Sdn. Bhd.

Warga Kerja

Majlis Bandaraya Seberang Perai

Para Peserta Pertandingan Anugerah *Circular Economy Community*

Rakan-Rakan Media

Tuan-Tuan dan Puan-Puan yang dihormati sekalian

Bismillahir Rahmanir Rahim
Assalamu'alaikum Warahmatullahi Wabarakatuh,
Selamat Pagi dan Salam Sejahtera,

Alhamdulillah, bersyukur ke hadrat Allah SWT kerana dengan izin dan limpah kurnianya dapat kita bersama-sama bertemu dan berkumpul pada pagi ini dalam Majlis Penyampaian Hadiah Anugerah *Circular Economy Community* anjuran bersama Majlis Bandaraya Seberang Perai dan ESH Resources Management Sdn. Bhd.

Terlebih dahulu izinkan saya merakamkan setinggi-tinggi penghargaan dan ucapan terima kasih kepada Saudara WHIP Parti dan Ahli-Ahli Majlis MBSP; Yang Berusaha Tuan Pemangku Setiausaha Bandaraya MBSP; Ketua-Ketua Jabatan, Pegawai-Pegawai Kanan, warga kerja MBSP, para peserta program Anugerah *Circular Economy Community 2021* yang sudi hadir untuk menjayakan program ini.

Sekalung penghargaan kepada Encik Lim Yu Chin, *Managing Director* ESH Resources Management Sdn. Bhd. bersama pasukan beliau yang petama kali berkolaboarsi dengan MBSP untuk menjalin *smart partnership* melalui konsep 7Ps (*People, Public, Private, Philanthropy, Philosopher and*

Planet Partnership) dalam pelaksanaan Program Anugerah *Circular Economy Community*.

Tuan-Tuan Dan Puan-Puan Yang Dihormati Sekalian,

Ekonomi kitaran (*circular economy*) bukan sekadar memperbetulkan kesilapan dalam alam persekitaran, malahan bukti menunjukkan ia boleh membawa peluang besar dan kesan positif merentas industri, pelbagai sektor dan kehidupan harian. MBSP akan memberi penumpuan kepada sisa organik, *green waste* dan plastik dalam pembangunan ekonomi kitaran (*circular economy*) 2022.

Tuan-Tuan Dan Puan-Puan Yang Dihormati Sekalian,

Pertandingan Anugerah *Circular Economy Community* ini adalah salah satu cara untuk menarik minat warga Seberang Perai untuk melibatkan diri mengambil tindakan pro aktif dengan meneroka model ekonomi baru iaitu *Circular Model* yang berpaksikan penggunaan semula produk dan bahan mentah serta mencegah pembaziran dan pelepasan yang merbahaya ke tanah, air dan udara.

Pertandingan Anugerah *Circular Economy Community* ini terbuka kepada semua komuniti di Seberang Perai yang tidak kurang dari 50 buah rumah dan juga pengusaha industri yang mempunyai tidak kurang dari 300 orang pekerja. Peserta-peserta perlu mempunyai pengalaman dalam melaksanakan aktiviti-aktiviti seperti kitar semula, pengasingan sisa organik, pengkomposan, *upcycle*, kebun komuniti dan jualan hasil.

Tuan-Tuan Dan Puan-Puan Yang Dihormati Sekalian,

Penarafan Anugerah *Circular Economy Community* adalah seperti berikut:-

- i. ***Diamond*** di mana 50% penghuni sesuatu komuniti terlibat dalam aktiviti kitar semula, pengasingan sisa organik, pengkomposan, *upcycle*, termasuk jualan hasil di growth market.
- ii. ***Platinum*** di mana 50% penghuni sesuatu komuniti melaksanakan aktiviti kitar semula, mengasingkan sisa organik, pengkomposan dan *upcycle*.

- iii. **Gold** di mana 50% penghuni sesuatu komuniti menjalankan aktiviti kitar semula, mengasingkan sisa organik dan pengkomposan.
- iv. **Silver** di mana 50% penghuni sesuatu komuniti terlibat dalam aktiviti kitar semula dan pengasingan sisa organik.
- v. **Bronze** di mana 50% penghuni sesuatu komuniti hanya melaksanakan aktiviti kitar semula.

Pertandingan ini ditaja oleh Syarikat ESH Resources Management Sdn. Bhd. dan para pemenang pertandingan akan diberikan Sijil Penarafan berserta wang tunai dan hadiah.

Anugerah <i>Diamond</i>	-	RM500.00 berserta hadiah
Anugerah <i>Platinum</i>	-	RM400.00 berserta hadiah
Anugerah <i>Gold</i>	-	RM300.00 berserta hadiah
Anugerah <i>Silver</i>	-	RM200.00 berserta hadiah
Anugerah <i>Bronze</i>	-	RM100.00 berserta hadiah

Sebanyak 24 penyertaan telah diterima daripada 17 pertubuhan berasaskan komuniti dan tujuh (7) daripada pihak perindustrian dan komersial. Adalah diharapkan penerima hadiah anugerah pada hari dapat menjadi mentor kepada lain-lain komuniti dan industri untuk mengamalkan ekonomi sirkular dengan penggunaan semula produk (*reuse*) dan mencegah pembaziran bahan-bahan.

Tuan-Tuan Dan Puan-Puan Yang Dihormati Sekalian,

Pada 2 Oktober 2021, Pelan Tindakan *Seberang Perai Circular Economy 2021-2030* telah dilancarkan yang menggariskan agenda berorientasikan masa hadapan untuk mencapai bandar yang lebih bersih dan lebih kompetitif dalam integrasi antara pemain ekonomi, penduduk, pengguna, serta masyarakat setempat bagi mewujudkan peluang pekerjaan baru dan bidang ekonomi baru

Pelan Tindakan ini menjadi petunjuk yang jelas serta mempunyai pendekatan yang holistik dalam menghadapi cabaran baru pada dekad yang akan datang.

Lapan (8) Bidang Keberhasilan Utama (*Key Results Area – KRA*) yang di senaraikan di dalam Pelan Tindakan *Seberang Perai Circular Economy 2021-2030* adalah:

- I. Kebergantungan Kepada Tapak Pelupusan (*Landfill Reliance*)
 - a. Pelaksanaan Dasar Pengurusan Sisa Yang Lestari (Sektor Industri).
 - b. Pemulihan semula Tapak Pelupusan Pulau Burung Fasa 1 untuk proses pengekstrakan gas, penghasilan solar, pengeluaran biogas & lain-lain.
 - c. menyediakan pusat pemprosesan dan rawatan sisa pepejal di Stesyen Pemindahan Ampang Jajar.
- II. Kitar Semula Dan Industri *Upcycle* (*Recycling and Upcycling Industry*)
 - a. Pelaksanaan Dasar Pengurusan Sisa Yang Lestari (Pusat Kitar Semula dan Kilang).
 - b. Pelaksanaan Program "*Match-Making*" menggunakan sisa pepejal sebagai bahan mentah.
 - c. Melaksanakan Program "*Trash For Cash*".
 - d. Meningkatkan penggunaan Pusat Kitar Semula di kawasan pembangunan strata.

III. Sisa Makanan & Organik (*Food and Organic Waste*)

- a. Pengasingan sisa makanan.
- b. Menyediakan pusat pemrosesan dan rawatan sisa makanan dan organik.
- c. Program Pendidikan mengenai pengkomposan sisa makanan dan organik.
- d. Kerjasama antara Syarikat Swasta untuk pemrosesan makanan dan sisa organik.
- e. Penanaman pokok hutan.

IV. Plastik Sekali Guna (*Single Use Plastics*)

- a. Pelaksanaan tanggungjawab pengeluar lanjutan (EPR).
- b. Kempen Pendidikan plastik sekali guna.

V. Sisa Binaan & Perobohan (*Construction and Demolition Waste*)

- a. Garis panduan untuk kemudahan pemrosesan sisa binaan.
- b. Garis panduan penggunaan semula sisa binaan untuk pembangunan baru.
- c. Menyediakan pusat pemrosesan sisa binaan.

VI. Elektronik dan Sisa Merbahaya (*Electronics and Hazardous Wastes*)

- a. Menyediakan pusat pengumpulan sisa elektronik (*e-Waste*).

- b. Mengadakan Kerjasama pemprosesan sisa elektronik.
- c. Pelaksanaan tanggungjawab social korporat (CSR).
- d. Pelaksanaan tanggungjawab pengeluar lanjutan (EPR).

VII. Tenaga yang boleh diperbaharui (*Renewable Energy*)

- a. Garis panduan projek biogas di dalam sistem ladang tertutup.
- b. Menjana elektrik menggunakan tenaga kinetik.
- c. Loji *Waste to Energy* dibangunkan di Stesen Pemindahan Ampang Jajar.

VIII. Air dan Pengurusan Sisa Air (*Water and Waste Water Management*)

- a. Sistem penuaian air hujan (SPAH).
- b. Pusat rawatan air larut resap di Ampang Jajar.
- c. Kolam tadahan air bawah tanah.

Setiap KRA ini telah ditetapkan KPI yang perlu dicapai mengikut tahun. Pada Tahun 2022, disasarkan 70% kadar kitar semula, 5% penggunaan tenaga boleh diperbaharui, mewujudkan pusat pemprosesan sisa binaan dan mewujudkan Dasar *Extended Producer Responsibility* (EPR) di Seberang Perai.

Pada tahun 2025 pula, disasarkan 75% kadar kitar semula, 50% pelencongan sisa makanan, 40% pengurangan kebergantungan kepada tapak pelupusan, 20% penggunaan tenaga boleh diperbaharui dan pelaksanaan Dasar *Extended Producer Responsibility* (EPR) di Seberang Perai. Manakala pada tahun 2030 pula, disasarkan 80% kadar kitar semula, 90% pelencongan sisa makanan, 30% Penggunaan tenaga boleh diperbaharui, mewujudkan *system waste to energy* dan mencapai status Bandaraya Sisa Sifar (*Zero Waste City*).

Tuan-Tuan Dan Puan-Puan Yang Dihormati Sekalian,

Syabas dan Tahniah kepada pemenang Hadiah Anugerah *Circular Economy Community*. Saya berharap akan ada lebih banyak penyertaan pertandingan ini di tahun-tahun akan datang.

Terima kasih sekali lagi kepada Ahli-Ahli Majlis, Tuan Setiausaha Bandaraya, Ketua-Ketua Jabatan, Pegawai-Pegawai Kanan, ESH Resources Management Sdn. Bhd. serta *Green Warriors*, warga kerja MBSP dan seluruh warga Seberang Perai dalam memberikan komitmen penuh dalam menjayakan program-program MBSP, dasar-dasar baru MBSP dan Hala Tuju MBSP dan saya pasti dengan komitmen ini,

“Seberang Perai Aspirasi Bandar Masa Hadapan” atau **“Seberang Perai Aspiring City of Tomorrow”** dapat direalisasikan pada tahun 2022.

Sebelum saya mengakhiri ucapan ini, dengan rasa besar hati dan dengan lafaz **“Bismillahirrahmanirrahim”** saya dengan ini melancarkan Majlis Penyampaian Hadiah Anugerah *Circular Economy Community 2021*.

Sekian,

Wabillahi Taufik Wal Hidayah, Wassalamualaikum Warahmatullahi Wabarakatuh.

Terima kasih, Xie Xie, Nandri, Thank You.